

vertunckelt / vnd ein warhafftiger Vor-  
 bote ist der lieblichen Sonnen selbst.  
 Vnd solches alles geschicht / auß eigener  
 Gewalt vnd Krafft / allein durch deß  
 Feuers Wirkung / Bewegung vnd  
 Hülff / an der Farbe / wie Bernhardus  
 sagt / gleich dem Papaveri campestri,  
 oder Croco Attrebatensi, roht als ein  
 Rubin / vnd ganz feurig / welche Farbe  
 denn anzeigt das Ende deß ganzen  
 Wercks / vnd auch daß nunmehr sol-  
 che Materia Krafft / Gewalt / vnd  
 Tugend empfangen hat / alle Imperfe-  
 cta corpora der Metallen in warhaff-  
 tig beständig Gold zu verwandeln / vnd  
 ist also auß dem giftigen Wurm / vnd  
 verbannten Drachen / ein heilsames  
 Geschöpff vnd himmlische Creatur  
 erschaffen worden / also daß solche  
 Schlange nunmehr aller Kranckheit  
 vnd Armut warhafftiger Tyriack /  
 Auflösung vnd Errettung ist / wie den  
 nachfolgende deutschen Reimlein klar  
 zu verstehen geben / vnd im Rosario ge-  
 funden werden.

Ec ij

Hie